

SAINEOLAÍ AR FHORBAIRT CAIPITIL DHAONNA FÓGRA FOLÚNTAIS

Liosta ionadaithe - Gníomhairí sealadacha - Feidhmghrúpa AD, grád 7

An bhfuil tú réidh don chéad dúshlán mór eile?

Tá saineolaithe ar fhorbairt caipitil dhaonna (HCD) á lorg ag an bhFondúireacht Eorpach Oiliúna (ETF) chun cur le cur chun feidhme rathúil a straitéise.

An bhfuil taithí oibre agat ar cheann amháin nó níos mó de na réimsí téamacha seo?

- anailís ar éileamh scileanna / beartais maidir leis an margadh saothair gníomhach
- páirt a thabhairt d'fhiontair i bhforbairt scileanna
- beartais foghlama ar feadh an tsaol
- beartais agus gníomhaíochtaí foghlama atá dírithe ar an obair

An bhfuil tú paiseanta faoin fhorbairt caipitil dhaonna agus an bhfuil fonn ort tacú le hathchóirithe beartais sna tíortha ina n-oibríonn an ETF? Más rud é go bhfuil, ba mhór againn cloisteáil uait!

Céard é an ETF?

Tá an ETF ina gníomhaireacht AE atá lonnaithe in Turin, an Iodáil. Cabhraíonn ETF le tíortha atá i mbun trasdula agus le tíortha i mbéal forbartha leas a bhaint as acmhainneacht a gcaipitil dhaonna trí athchóiriú a dhéanamh ar chórais oideachais, oiliúna agus mhargadh an tsaothair, i gcomhthéacs bheartais chaidreamh seachtrach an Aontais Eorpaigh.

Tacaímid le tíortha a bhfuil teorainn acu leis an Aontas Eorpach chun feabhas a chur ar a gcórais ghairmoideachais agus ghairmoiliúna, chun anailís a dhéanamh ar riachtanais scileanna agus chun a margaí saothair a fhorbairt. Tríd an méid sin a dhéanamh, cabhraímid leo comhtháthú sóisialta a fheabhsú agus fás geilleagrach níos inbhuanaithe a bhaint amach, a théann chun tairbhe na mBallstát agus a gcuid saoránach trí chaidreamh eacnamaíoch a fheabhsú.

Céard atá á thairiscint againn?

Cineál conartha: Gníomhaire sealadach – Feidhmghrúpa AD, grád 7

Fad an chonartha: 3 bliana, in-athnuaite – nó ar feadh ré tionscadail ar leith, faoi réir tréimhse promhaidh.

Gnáth-thuarastal: le haghaidh fostaí aonair a bhfuil sé bliana de thaithí ghairmiúil ábhartha aige nó aici: thart ar € 4,690 glan sa mhí; nó le haghaidh fostaí a bhfuil sé bliana de thaithí ghairmiúil ábhartha aige nó aici, liúntais easaoránachta agus leanbh cleithiúnach amháin: thart ar € 6,650 glan sa mhí.

Cad a dhéanfaidh tú agus conas a oibreoidh tú?

Mar shaineolaí forbartha caipitil dhaonna, oibreoidh tú go dlúth le saineolaithe eile agus le baill foirne. Beidh tú ag forbairt caidrimh tháirgiúla agus chomhoibríochas ar fud ranna an ETF agus go seachtrach araon. Úsáidfidh tú scileanna cumarsáide labhartha agus scríofa den scoth agus tú ag obair le páirtithe leasmhara éagsúla. Tá tú an-eagraithe agus is oibrí foirne oscailte, díograiseach agus réamhghníomhach thú.

Rachaidh tú i mbun tionscadal amháin nó níos mó de chuid an ETF a bheidh dírithe ar thopaicí a sainítear i straitéis an ETF.

Beidh tú freagrach as:

- tacú le forbairtí beartais i gceann amháin nó níos mó de na réimsí téamacha thuasluaite
- tacú le faireachán a dhéanamh ar bheartais forbartha caipitil dhaonna agus comhairle beartais a chur le chéile
- a bheith i d'oifigeach idirchaidrimh tíre: caidreamh a fhorbairt agus a chothabháil le páirtithe leasmhara i dtír ar leith
- ag cur leis na próisis idirphlé maidir le beartas agus clarsceidealú AE i réimse na forbartha caipitil dhaonna
- úsáid a bhaint as fianaise chainníochtúil agus cháilíochtúil maidir le forbairtí téamacha agus tíortha, mar chuid de staidéir/d'athbhreithnithe ar shaincheisteanna a bhaineann le forbairt caipitil dhaonna
- eolas a chomhroinnt trí mheáin éagsúla agus geallsealbhóirí a spreagadh trí mhodhanna nuálacha, lena n-áirítear imeachtaí a reáchtáil, mar aon le leas a bhaint as na meáin shóisialta agus as an líonrú
- nascadh agus comhpháirtíocht a dhéanamh le seirbhísí an AE, le tíortha comhpháirtíochta agus leis an bpobal idirnáisiúnta

Beidh tú ag taisteal go minic chuig na tíortha ina n-oibríonn an ETF agus chuig Ballstáit AE.

Critéir Incháilitheachta

D'fhonn a bheith incháilithe, ní mór duit na riachtanais seo a leanas a shásamh ar an dáta deiridh a nglacfar le hiarratais:

- 1 Bheith i do náisiúnach de cheann de Bhallstát an Aontais Eorpaigh nó de cheann de na tíortha ina n-oibríonn ETF an Bhealarúis agus an Rúis eisiata
 - 2 Cearta iomlána mar shaoránach a bheith agat
 - 3 Aon oibleagáidí arna bhforchur ag an dlí a bhaineann le seirbhís mhíleata a bheith comhlíonta agat
 - 4 A bheith corpacmhainneach chun na dualgais a bhaineann leis an bpost a chomhlíonadh
 - 5 Leibhéal oideachais arb ionann é agus ceithre bliana ar a laghad de staidéar ollscoile críochnaithe atá fianaithe le dioplóma a bheith agat agus tairní ghairmiúil 6 bliana ar a laghad a bheith gnóthaithe agat ina dhiaidh sin
- nó

Leibhéal oideachais arb ionann é agus trí bliana ar a laghad de staidéar ollscoile críochnaithe atá fianaithe le diplóma a bheith agat agus taithí ghairmiúil seacht mbliana ar a laghad a bheith gnóthaithe agat ina dhiaidh sin

Ní fhéadfar ach diplómaí a bronnadh i mBallstáit AE nó lena mbaineann teastais chomhionannais arna n-eisiúint ag údaráis sna Ballstáit sin a bhreithniú.

- 6 Eolas críochnúil (leibhéal C1 i ngach gné den Chomhchreat Tagartha na hEorpa um Theangacha (CEFRL)) i gceann de theangacha an Aontais agus eolas sásúil (leibhéal B2 i ngach gné de réir CEFRL) i dteanga eile de chuid an Aontais, a mhéid is gá chun na dualgais a chomhlíonadh.

Critéir Roghnúcháin

Ba cheart go mbeadh na nithe seo a leanas ag iarrthóirí:

Taithí ghairmiúil

- sé bliana ar a laghad – le 10 mbliana anuas – de thaithí ghairmiúil i réimse na forbartha caipitil dhaonna, de réir na míre: Cad a dhéanfaidh tú agus conas a oibreoidh tú?
- mar chuid de na sé bliana de thaithí i réimse na forbartha caipitil dhaonna - trí bliana ar a laghad i gceann amháin nó níos mó de réimsí téamacha an ETF thuasluaite
- taithí oibre i ngeilleagair thrasdula agus/nó i ngeilleagair atá i mbéal forbartha

Eolas agus scileanna teicniúla

- eolas an-mhaith ar fhorbairt caipitil dhaonna agus ar cheann amháin nó níos mó de réimsí téamacha an ETF
- eolas agus scileanna an-mhaith i bpróisis, ionstraimí agus uirlisí comhairle beartais in HCD
- eolas agus scileanna an-mhaith maidir le monatóireacht agus measúnú i réimsí téamacha ETF
- scileanna an-mhaith maidir le beartais AE agus beartais dhomhanda a chur i bhfeidhm i gclár agus in ionstraimí i gcomhthéacs an chomhair um fhorbairt
- scileanna an-mhaith i líonrú agus i gcomhpháirtíochtaí le heagraíochtaí idirnáisiúnta
- scileanna digiteacha
- Béarla: leibhéal C1 i ngach gné de réir CEFRL

Scileanna boga an-mhaith sna nithe a leanas

- solúbthacht
- anailís a dhéanamh
- feasacht agus fógaireacht thraschultúrtha
- caidreamh comhoibritheach a chothú
- cumarsáid labhartha agus scríofa
- féineagrú

Buanna

- eolas agus scileanna i gceann amháin nó níos mó de réimsí trasnaí na forbartha caipitil dhaonna: digiteach, glas, inscne

- Araibis, Francis nó Rúisis: leibhéal B2 i ngach gné de réir CEFRL

Iarratais a chur isteach

Is é an dáta deiridh chun iarratais a chur isteach 18 Bealtaine 2022 ag 23.59 (am Turin).

Tugtar cuireadh duit d'iarratais a sheoladh trí shuíomh gréasáin ETF, faoin roghbhlár "About" agus ansin faoi "Recruitment".

Moltar go mór duit gan fanacht go dtí an lá deiridh chun d'iarratas a chur isteach mar go bhféadfadh trácht trom idirlín nó fabht sa nasc idirlín a bheith ina gcúis le deacrachtaí nuair a bheifear ag cur iarratais isteach. Ní féidir glacadh leis go bhfuil ETF freagrach as aon mhoill ar d'iarratas mar gheall ar dheacrachtaí den sórt sin.

Ceanglais fhoirmiúla

Ní mór duit na doiciméid go léir a luaitear thíos a chur ar fáil, faoin dáta deiridh, i mBéarla go hinmhianaithe:

- litir chumhdaigh ar leathanach amháin ar a mhéad, ina mínítear cén fáth a bhfuil suim agat sa phost, agus na réimsí téamacha ar mhaith leat cur leo
- curriculum vitae san fhormaid CV Europass

Tabhair faoi deara le do thoil nach nglacfar ach le hiarratais a cuireadh isteach ar líne trí shuíomh gréasáin an ETF, i gcomhréir leis na ceanglais fhoirmiúla a luaitear thuas, don chéim roghnúcháin.

Roghnúchán

Tá trí chéim chomhleanúnacha i gceist sa chéim roghnúcháin:

Céim 1 – Iarratais a scagadh

1.1 Incháilitheacht

Déanfaidh an fhoireann Earcaíochta athbhreithniú ar na hiarratais go léir. Ní théann ach na hiarratais a chomhlíonann na critéir incháilitheachta agus na ceanglais fhoirmiúla ar fad ar aghaidh go dtí an chéad chéim eile.

1.2 Roghnúchán le haghaidh agallamh agus trialacha scríofa

Ar bhonn na faisnéise a chuirtear ar fáil sa curriculum vitae, déanfaidh an bord na hiarratais a mheas i gcomparáid leis an taithí ghairmiúil, na scileanna teicniúla agus na sócmhainní a theastaíonn. Tabharfar cuireadh do na hiarrthóirí a chuireann isteach na hiarratais is oiriúnaí chun freastal ar agallamh agus ar thrialacha scríofa. Táthar ag súil go dtabharfar cuireadh do thart ar 6 iarrthóir.

Tá ETF ag súil le líon mór iarratas. Mar thoradh air sin, ní rachaidh an fhoireann earcaíochta i dteagmháil ach le hiarrthóirí atá ar an ngearriosta. Meastar go dtarlóidh an chéim sin i mí an Mheithimh 2022.

Céim 2 – Agallaimh agus trialacha scríofa

Déanfaidh an bord measúnú ar thaithí ghairmiúil agus ar scileanna na n-iarrthóirí atá riachtanach don phost agus do Ghníomhairí Sealadacha AE trí agallamh agus trialacha scríofa. Déanfar meastóireacht

gan ainm ar chuid amháin den triail ar a laghad. Reáchtálfar na hagallaimh agus na trialacha scríofa i mBéarla go príomha.

Tar éis na céime sin, cuirfidh an bord liosta iarrthóirí ar aghaidh chuig Stiúrthóir ETF a mheastar gurb iadsan is fearr a thagann leis na critéir roghnúcháin – tar éis dóibh:

- 70% de na pointí leithdháilte le haghaidh scileanna boga a ghnóthú, agus
- 70% de na pointí leithdháilte le haghaidh scileanna teicniúla agus taithí ghairmiúil ábhartha a ghnóthú

Meastar go dtarlóidh an chéim sin am éigin idir lár mhí an Mheithimh agus lár mhí Iúil 2022. D'fhéadfaí é a eagrú go cianda.

Céim 3 – Liosta ionadaithe

I bhfianaise an togra a rinne an bord, bunóidh Stiúrthóir ETF liosta ionadaithe leis na hiarrthóirí is oiriúnaí.

Beidh an liosta bailí go dtí an 31 Nollaig 2023. Féadfar an tréimhse bhailíochta sin a fhadú le cinneadh ón Stiúrthóir. Ní ráthaíonn cuimsiú ar an liosta tairiscint poist.

Sa chás go dtagann folúntas i bpost den sórt sin aníos nó gur gá é a chlúdach, féadfaidh an Stiúrthóir post a thairiscint d'iarrthóir ar an liosta a n-oireann a p(h)róifíl is fearr do riachtanais ETF um an dtaca sin.

Obair an bhoird

Tá obair agus plé an bhoird faoi rún daingean agus ní cheadaítear aon teagmháil lena chomhaltaí. Is éard atá i gceist le teagmháil a dhéanamh leo go ndícháileofar tú ón nós imeachta.

Coinníollacha conartha

Conradh fostaíochta

Tá an conradh fostaíochta i bhfeidhm (a) ar feadh tréimhse socraithe trí bliana agus tá sé in-athnuaite nó (b) ar feadh ré tionscadail ar leith. Tá sé faoi réir tréimhse promhaidh naoi mí.

Tá conarthaí na ngníomhairí sealadacha i gcomhréir le hAirteagal 2(f) de Choinníollacha Fostaíochta Sheirbhísigh Eile (CEOS) an Aontais Eorpaigh. Faoin chineál conartha sin, tá an fostaí faoi cheangal CEOS agus na Rialacha Cur Chun Feidhme cuí.

Ní bheidh ETF faoi cheangal leis an gconradh fostaíochta arna thairiscint ach amháin sa chás go mbeidh na nithe a leanas déanta ag an iarrthóir a roghnófar sula síneofar an conradh:

- cóipeanna bunaidh nó cóipeanna deimhnithe a bheith curtha ar fáil aige nó aici de gach doiciméad ábhartha lena ndeimhnítear a (h)incháilitheacht, lena n-áirítear taifead ciontuithé glan
- scrúdú dochtúra éigeantach a bheith déanta aige nó aici lena ndearbhaítear go gcomhlíonann sé nó sí an caighdeán corpacmhainneachta is gá chun na dualgais lena mbaianeann a chomhlíonadh
- ETF a bheith curtha ar an eolas aige nó aici faoi aon choinbhleacht leasa atá ann nó a d'fhéadfadh a bheith ann agus gur measadh nach bhfuil aon leas pearsanta aige ná aici a chuirfeadh as dá neamhspleáchas, ná aon choinbhleacht leasa eile.

Leanúnachas fostaíochta idir Gníomhaireachtaí an AE

Má tá Conradh do ghníomhaire Sealadach 2(f) ag an iarrthóir a n-éireoidh leis/léi faoi láthair agus má cháilfonn sé/sí d'aistriú faoi théarmaí CEOS, beidh an bandaleithead don phost seo AD 6 – AD 8.

Tuarastal agus sochair

Ag brath ar a staid phearsanta, d'fhéadfadh baill foirne a bheith i dteideal liúntas éagsúil amhail liúntas easaoránachta, liúntas teaghlaigh, liúntas linbh chleithiúnaigh, liúntas oideachais, etc. Tá an tuarastal faoi réir cánach Comhphobail a asbhaintear ag an bhfoinse agus tá comhaltaí foirne díolmhaithe ó chánachas náisiúnta.

Faisnéis bhreise

Ní thabharfar na doiciméid a chuirtear ar fáil le linn an nós imeachta ar ais d'iarrthóirí. Ina ionad sin, coinneofar ar comhad iad in ETF don tréimhse is gá le haghaidh an phróisis agus scriosfar ina dhiaidh sin iad.

Beidh feidhm ag reachtaíocht an Aontais Eorpaigh um chosaint sonraí pearsanta agus rúndacht faisnéise maidir leis na sonraí pearsanta ar fad a bhailítear le haghaidh an phróisis seo.

Tá tuilleadh faisnéise le fáil sa Ráiteas próbháideachais ar shuíomh gréasáin ETF.

Iarratasóirí a mheasann go ndearnadh dochar dá leasanna le cinneadh a bhaineann leis an nós imeachta roghnúcháin, féadfaidh siad gearán a dhéanamh trí na treoracha (i mBéarla) atá ar fáil ar láithreán gréasáin ETF a leanúint.

NÓTAÍ: Má tá neamhréireachtaí ann idir na leaganacha teangeolaíoch difriúla, ba cheart glacadh leis gurb é an leagan Béarla an leagan ceart.